

مجموعه ابو الضرب

ماسوا شایه سندن دلی تطهیرہ پالاش
بر تو حکمت و عرفان الیہ توبہ آتش

علوم و معارفدن بحث ایدر۔ و ہر ماء عربی ابتدا سیلہ اون بشندہ نشر اول نور مجموعہ در۔

عدد ۲۴ - جلد ۲ [فی غرہ رمضان سند ۱۲۹۹] [نسخہ سی ۳ فروش

برل، و مایعانی شرب ایچون قاشق استعمال ایدرلدی . لکن چتال
استعمالنه مألوف اولدقلرندن لحومی اوافق پارچهلره تقسیمی عادتاً نازک
برصنعت یرینه قویهرق، بو ایشده مخصوص آدملر استخدام ایدرلدی .
حتی روما اغنیاسنک و یردکاری ضیافتلرده مخصوصاً بر آدم اتی و او
قبیلدن سرد اولان اطعمه بی پارچهلغه مأمور اولور و طعام ائناسنده
ترنساز اولان موسیقه نك آهنکنه تطبیق اوضاع ایده رك طعامی پارچهلر
ایکن حرکات غریبه اجرا ایلر ایدی .

۱۵۱۳ سنه سنده (کرونیغ) نام ذاتک نشر ایتش اولدیغی بر
کتابده طعامی پارچهلغه مأمور اولان کیسه لره خطاباً شو عباره ایله
بر اخطار مندرج بولمیشدر :

« وظیفه کزی ایضایه مباشرت ایدرکن بیجاغکزی و الریکزی
لایقیله تطهیر ایتلیسکیز . »

بوندن آکلاشیلور که اون آلتیغی عصرک اوائلنده دخی چتال
استعمالی ممالک غریبه ده معلوم دکل ایتش .
مالکمزده شیوع و استعمالی محمود ثانی دورنده و تعمی ایسه
زمانزده در .

ملاحظات حکیمه

عالی بر قلبه مالک اولیان آدم حیاتک محن و مشاققه تحمل ایده مز .

تحقیر ایتک ایستدیککز آدمک یرنده کندیکزی فرض ایدر سه کز
او آدمی هیچ بروقت تحقیر قادر اوله مز سکز . بو ایسه مخرب انسانیت
اولان پک چوق سینادن قورتلقلغک الک برنجی طریق در .

انسان دائماً استقبال ایچون چاشملی در . زیرا ماضی بر موت ابدی
و حال ایسه بر خسته مستحضر در که هر دقیقه ده افنای عمر ایتکده در . *

دینسر فضیلت و فضیلتسر دین اوله من .

دنیا ده ال بد بخت آدم کندیسنه عرض افتقار ایدن بر بیچاره یه
معاونده بولنمیاندر .

دنیا ده بیوک بیوک شیر وجوده کتیرمک ایچون ال بیوک چاره
موفقیت اولومی اصلا خاطره کتیرمیه رک چاشمقدر .

کافه ذمائم اخلاقک مصدری تنبک و ایشسر لکدر . بناء علیه
بر حکومت مساوینک ازاله سنی آرزو ایدرسه ممکن مرتبه خلق عطالتدن
قورتاره جق تداییره یعنی انشا آت و اشغالات عومیه یه اعتنا ایتلی در . *

بر قومشو دوستگز دکل ایسه بای حال دشمنگز در .

کندی عزدن خشنود اولدیغمز زمان اخلاق فاضله اصحابنه باقوبده
تقلید افعال ایده جکمه بزدن دون اولانلرک مساویسنی یاد و آنلری اتهام
ایله متسلی اولورز .

مسعودیتگز ی بیلک ایچون مصون بولندیغکز علل و امراضی
خاطر کزه کتیرکز .

انسان آز سویلدیکندن طولایی نادرا فقط چوق سویلدیکندن
طولایی اکثریا نادام اولور .